



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XLIX. Gregorii Papae I. Ad Theodorvm Episcopvm Lilybaetanvm.
De Paulo in poenitentiam dato.

urn:nbn:de:hbz:466:1-15221

Dominum, vt bona quæ de vobis ore tenus retulit, placi-
ta sibi plenius faciat operatione clarescere. Concilium
itaque quod congregare disponitis, dum Deo fuerit so-
latiante per actum, de eius nos vnitate atque concordia
laetificate, ac reddite per omnia certiores.

EPISTOLA XLIX.

GREGORII PAPÆ I.

AD THEODORVM EPISCOPVM LILYBÆTANVM.

De Paulo in poenitentiam dato.

*Gregorius Theodoro episcopo * Lilybætano.** ad. Lily-
bætano.

F RATERNITATIS tuæ grata nobis omnino solicitudo est,
quia ea quæ de sacerdotum vita cognoscit, & perscrutari curat, & inuestigata renuntiat. Ut ergo in hac sollicitudine quam in te laudamus possis sine diminutione persistere, studiosus esto ac vigilans: & si quos illic a quibuslibet, quod absit, excessus perpetrari cognoueris, si quidem tales sunt qui emendari ibidem possint, rationabiliter emendentur: alioquin fratri nostro Maximiano episcopo scriptis renuntiare festina, vt quid fiendum sit a vobis informatus agnoscat. Nulla igitur res ab inuestigatione prauorum actuum, vel insinuatione te reuocet. Nam quanto vigilantiam tuam modo laudamus, tanto culpabilior inuenieris, si huiusmodi actus qualibet dissimulatione celaue-
ris. Paulum præterea quondam episcopum in monasterio in quo est, in poenitentia volumus permanere. Res autem quæ apud eum inuentæ sunt, in cimeliarchio ecclesiæ tuæ seruare modis omnibus studebis. De quibus etiam secundum rerum inuentarū paginam desusceptum te facere volimus, & in scrinium ecclesiæ tuæ transmittere. Sed & clericis eius, si tamen illic aliqui præsentes sint, a pari aliud facere desusceptum te conuenit, in quo tua fraternitas fateatur, quia desusceptum de eisdem rebus in scrinio nostro emiserat; quatenus dum necesse fuerit, competenti personæ res omnes possint sine detimento restitui. De Bonifacio vero quædam grauis ad nos accusatio peruenit, cuius scelera volumus, utrum vera sint, fraternitas tua cum loci seruatore prætore examinet.